

集部

## 欽定四庫

吳都文粹卷九

詳校官中書臣沈 助 颺

教臣常循覆勘 校對官中書臣葉 覆校官中書臣宋 **謄録監生臣李師獨** 

鎔

蒯

いり見んだい 1 此立天際口馬鞍山也羣山相 呉都之粹 得以陪從嘉賞周覽 慧聚寺未數日愈 盤桓于是邦得游其屬 蘇遂謁郡太守尚書户 鄭虎臣 僧辯端 縭

|信傳乃得唐人博陵崔子向所記之文畧叙其事先是 居內寺一旦歸省而至是山有息馬之志因放錫禪坐 梁天監十年有帝之門師吳與沙門釋慧獨姓懷氏人 皆百里而遠極頂四視東連溟渤西接洞庭原隰溝塍 于山脇石室間以二虎為侍師方運籌思立精舍忽有 年月名氏皆蔑然也乃詢諸寺人有者年宿齒者徵以 坦然鋪著初至寺陞殿尋碑讀記厥石斷壞其文殘闕 人見師之前曰願施十工以成其事其夜風雷震吼

金月口屋台書

7

林木號怒近山之人間撲断之聲翌日而奇石龜疊廣 中五年宣宗皇帝重闡釋門故寺僧清江以其靈跡聞 或曰多與疾雷鼓巨浪於江海間後勅僧繇畫鎖以制 造寺馬逐立正殿于其上勅張僧繇繪神于二壁圖龍 陷新城其方截如也延衰一十七丈高顯一十二尺蓋 山神之役思工也時军縣者異其事聞刺史奏武帝因 之泊唐武宗會昌中詔毀天下佛字兹寺常在毀問大 于四柱每雲陰天與則鱗甲皆潤溝洪然及有浮海者

一欽定四庫全書 前記湮沒來者球其所從請摭其實庶垂于永久端雖 **菲才忝辱厚命故抽毫以書時至道三年孟夏也** 此者今陳公博古聞異來而觀之久以嘉嘆因謂端曰 感昭于有德又胡能成其績耶又前後曽未有郡牧至 非獨師至德通于神明又疇克臻于是耶茍非山王靈 神码存爾觀其神跡規制皆窮奇極肚造化所成信兆 人力追者觀之莫不號然心懾而股慄魂驚而魄駭茍 郡守韋公于是奏再與馬凡令殿閣像該非梁製也唯 N. 

磬無短韵畫燈含永光有時乞鶴歸還訪逍遥揚 邶 僧蹊蜡青蒼莓苔上秋狀露翰飢更清風觞遠亦香掃 影愈中山狐烟竹裡村凭高那 寶殿依山險凌虚勢欲吞畫簷齊木末香砌壓雲根遠 日到上方片霞封石林錫杖莓苔青袈裟松栢香晴 慧聚寺聖跡 和前二首 望歸思馮吳門 王安石 張 孟 祐 郊

客樓臺眾香繁艸樹榮何年照佛火燦燦長光明 峰翁互出沒江湖相吐吞園林浮海角臺殿擁山根百 五題蓋山雞自愛其尾亦欲以多為貴也 離常熟至崑山泊慧聚寺而詩情循壯復為二章附于 里見漁艇萬家藏水村地偏來客少幽與私桑門 石出古色洗松納空光久游不忍還與迮冠蓋場 古寺有遠名欲游先夢生飛猿磵底嘯靈鳥雲間鳴影 慧聚寺詩弁序 朱明シ

欽定四庫全書

**卷九** 呉都之粹

石林高月生鮮閣疎磬鳴宿鳥夢難就空僧魂更清香 風動花影岩瀑飛王聲遥夜坐來短但餘天外情 ここりう ここう 詩及蓋嶼所作圖序皇祐中王荆公以舒州体被古 傅殿基乃梁天監中思工所造半叠石室為虚閣縹 崑山縣慧聚寺在縣西北三里崑山一名馬鞍山世 謂崑山為真山似假山最得其實大畧見張祐孟郊 為僧舍雲愈霧閣間見層出不可形容繪畫也具人 鄉如仙府他山佛宇未有其比山上下前後皆擇勝 具都之际

多页四库全書 來相水利夜至寺東炬登山閎張孟詩一夕和之遂 為山中四絕一山中登臨勝處古上方為冠月華閣 焚上方次之既而寺灾煨燼無遺自唐以來名賢題 詠石刻殿柱雷火篆書又楊惠之所作天王像李後 軒及凌奉翠微垂雲諸閣不可盡紀淳熙中月華先 妙拳庵次之山之上下又有留雲翠屏翠茂名秀諸 主所書扁榜一掃無迹今惟山圖僅存于收藏之家 石亦煅矣山後掘地多得奇石玲瓏纖巧好事者甚 

「ペスンクラーニー 教院有閣暈飛下俯蘇宇碧標丹拱隱霧延暉森列諸 之說風動世俗波從信向者往往悔惡徒業而歸之善 已然雖妙言論如退之亦嘆其不可遏止也崑山善問 樓架閣上切星漢處處嚴奉髙棟重簷鬪麗誇雄自唐 其亦有補于教化矣昌黎當言自其西來四海馳慕結 浮屠氏傳西竺一乗流入中國倡天堂地獄禍福報應 贵之號崑山石 景德寺諸天閣記 民都之降 Б

院邑人沈饒慕縁增堂無以侑道場今年夏五月沈又 鬱葱神若天墮取風而翔雲諦觀恍然復疑身之排金 金为四月全書 須書以信諸世因請予記之清康丙午季冬既望奉議 誰為此其言政和癸己必勢義明演經巧錢創與誓賢 闕而簉項樓也予當訪禪者曇益固見住持講僧淵問 天勢欲浮動使人髮立凜凛生肅心每陳供辦香氛電 感夢率眾建閣豪姓辛珍獨又畫刻諸天十六尊像逐 通信向摩肩投體禱福祈年應不旋踵念此殊勝緣要 

**崑山縣治之東有禪院曰惠嚴始唐末嗣禪師以佛學** 縣以聞州命選于眾乃得惠元禪師界以住持于是四 以世及續居者百五十餘年屋老而敝徒不能革熙寧 郎新濟王康王祁王府記室范浩記 四年主僧惟己請如嗣師故事復以院待學衆之來游 景德寺在崑山縣西南即東晉所置寶馬寺 時故鎮過使劉瑞為建院以處之嗣師既去其徒 惠嚴禪院法堂記 天郭し卒 曾 肷

欽定匹庫全書 其屋則又皆曰此豈人法之所宜者遂謀新之鄉人 方之士不期而自集一境之民不言而心化 目相與視 豈特以休者壽者之身佛之法傳乎其中矣非知吾法 命樂輸以助先為法堂寢室凡二十楹始事于元豐元 所言法者謂衆生心是則攝一切法釋氏之言心法如 者不能為也以書屬余口幸為記之予聞釋氏之書曰 人也則記其事以慰作者之勤其得已乎而法堂寢室 年之秋來歲仲夏二日畢工師曰不與俗交非與化為 5 卷孔 盾

盡哉是以學者欲其深造于通而自得之也當梁之世 亦忘其真天空之師達摩始自其國來其晚人也直示 神而無方信乎廣大高明超于名迹宣言與書之所能 豈如老身窮年般精神于名迹而已者乎于斯時也道/ 道心使之研幾見獨盡豁幽滞則廣大高明皆我固有 微妙寂通故用之獨滿六虚廢之莫知其所不古不今 釋氏之教最為盛時然學其法者亦泥于言學其書者 此則吾先聖人所謂天下之至神者是也夫心之為物 具都支粹

之不明久矣聞其風悅之者六通四闢如醯雞之發其 お 足四母全書 言也惟此堂室師之居此湛兮淵静廓然朝徽資道之 為厭也其居之至則崇棟廣守極於壯麗版則眾相與 新之而人亦不以為侈也蓋間其道而心化者皆將虚 飾而後食待人之衣而後衣或汎求於人而人亦不以 從之游故傳其法者所居而衆至所教而誠服待人之 覆而見天地之大全雖中國之士大夫欲息於道者亦 已以游於世則其驕吝之意消而能尊道輕財固不足

者自信神悟心照不知其然堂室雖無與于人法亦人 書郎前充角州州學教授自收撰 法之所依也則作而新之者其澤豈易竭哉時元豐 伯選至而時集顯問於堂密叩於室宜其迷者自覺疑 次正の事とら 二年八月初一日常州團練推官將仕郎試秘書省校 惠嚴禪院在崑山縣東三百步梁所造崑福院也 常熟縣東五十里明因寺新改禪寺記 具都文幹

常热縣東七十里有雙鳳鄉有村走塘而寺於其問曰 安得妄一有一妄為有情故一無一真為無情故此禪 無無今安得有一切法是妄我何使之真我自非真今 目之不同者時異事異實亦尊佛而己佛以一無胃 生のプロル 人のか 律所由判也東西分祖南北異宗以攝成名律以見理 今額至熙寧六年遂為禪寺上不變壞人不更聚而名 明因昔嘗曰永昌又名再昌至於國朝祥符改元始易 切有以一真破一切妄一切法是有我何使之無我本

然如無人之據師收付遺聚繕革故廬鳴鐘擊鼓晨唱 府二下僧籍遠可為領導者釈薦今禪師紹瞻而府可 以禪受仆方以律傅父子因而反戈自伐與俗同污其 たとりもとう 之師至其徒有不悅者豫空其室以過其頹垣壞壁蕭 以事至有可遂攘臂鼓衆更律為禪自今日始縣為聞 不見侵於世者無幾初僧文曉由是與流輩有不平者 夕和欣欣如也規範僅舉徒衆僅安殿輛大凶而水且 名禪此禪律所由盛也夫律為漸禪為順而為之徒者 具都文幹

華殿未紺而丈室未做此必有待於他日余不得而書 也元豐四年五月十五日前常熟縣尉陳于撰 雖未及美而小康矣因師請記之論次如此若夫門 早百里光無其八人報大疫而直且逃十室虚其九嚴 親施無厚薄均福田相鄉人以此敬八年於今而門之 多为已居自己 外導長涇以利衆長涇之上管石橋以便行堂室龕殿 不轉之心奉一實之事根無利鈍應病用藥其徒以此 禁夢得

次櫛比雖假托疑似謬妄之辭苟不叛其說亦其不具 武帝時始有言心法者一切以廓然無我為宗不立文 者雖益盛然其書未嘗卒廢自隋開皇至唐開元貞元 字佛氏之學遂判為禪律两岐其後更數百年學心法 於是其書之至者日以廣源流既遠往往失其本真梁 晉宋周隋之間鳩摩羅什之徒出更相傅譯轉相付授 といういという 以來凡列於目者曰大乘小乘曰律曰論剖分甲乙鱗 佛法自漢入中國即與其言皆來然未嘗若是修也至 吳都文粹

書殘編斷簡出於屋壁邱墟之餘與一時遗老所誦習 金江四月全書 使人欲廢而不可敷蓋為之學者皆知信其所習而尊 全而有之愈久而益著何也豈其言皆足以示後行遠 沒無聞而佛氏去中國數萬里其言率一譯而後見乃 家各以其藝自名於時者近數十年遠或百年皆已湮 雖幸而獲存然顛倒錯認固己不勝其弊其他諸子百 在天下昭然若揭日月而中遭秦火雖六經不得為全 在其傳至於今不絕昔吾儒者之言僅出於中國其道 

極雕刻彩繪之觀以致其莊嚴之意可使凡徼福悔過 借資取便階梯所欲當探而忽忘之者然也常熟姑蘇 其所聞相與謹守嚴奉手傳口誦而不敢慢非有意於 だいついる ノム・ 不畏罪與之言吾理則惑教以其書則怠惟轉輸藏侈 見余雲上曰並海之民不耕而漁其習以多殺為事而 心法者也居勝法二十一年與始至之日無異工既成 别邑梅里鎮又在邑之東北海上有寺曰勝法故無瀧 經宗軍二年長者道淵始募聚緣為之淵強力明果學

然邑民齊而艱施歲且多潦有欲成其事者而屈於力 金戶四月全書 是必有當其責者因推其所以然書以遺之非特志淵 衣冠者徧天下不能盡有其傳而佛文獨能持久若此 記其器無以慰此志也因請余文至再三不已夫物之 其力足以及之者而窘於裁蓋竭吾勤而後能成不有 **越衰存亡固不可皆以力致然未有不存乎人者服儒** 者一皆効誠於此吹蟊代鼓機發軸運神象設廢於目 而音聲接於耳不待發函展卷而其心固已有所向矣 卷九

嚴扉開早凉谷鳥逐分翔花氣濕幽徑磬聲清上方雪 之勤而已也政和五年六月十日記 勝法寺在常熟東三十五里 水慶寺在常熟縣西北四十五里 松澗底花落蘚池傍致有遗祭志移時坐石林 重修延福禪院記在常熟 題永慶寺 熟縣海隅山舊有延福禪院蓋出於梁天監之 縣 湛 湛

室舒應峭植而垣者抱塔之趾又有園覆懷架四十而 者有虚揭危累而塔者有雙延相敬而無者有表門背 欽定四庫全書 木畚鋪之功大作廣守峻厦不五歲而告成於是有隆 初自唐會昌廢毀存者無幾端拱二年今長老惠明大 院者居高面顧望周旋自下以相母之翼舒蘇萃輝照 博而門者有炳煥而亭者有顯壯而堂者有邃麗而室 可鑒會竒集勝狀不能盡即以主者處師俾悉得而專 師希辯荷天子崇命歸止於斯而鄉耋里氓為之捨土

書急就章一卷逍遥詠一十一卷秘藏鈴三十卷太平 被召入為惠智禪師居鲁門寺演法暨餘杭國除隨詔 聖惠方一百册藏馬恐後未諭其來故按其實以録之 **請闕上御滋福殿引見宣授紫羅命服及内府帛五十** 至道二年冬十月二十四日鄉貢進士李湛記 **疋復賜師今號留之京師天壽寺淳化三年上御製草** 有之師當錢氏列國時從學於天台山既大成而有聞 新建佛殿記 陸

欽定四庫全書 |近代儒家流以韓退之開釋老賢與不賢皆欲隨而去 唐之大儒以堯舜禹湯文武周孔之道不行於當世而 者則諸儒必曰非人事也天之數輔治世而與者也亂 后辟王治亂與亡之運接跡而不可勝数至於治而與 釋氏之教寝盛於中國故力排之若原道寫佛骨表之 也夫如是則治亂與亡之運貨不推之於天韓退之有 而亡者則諸儒亦曰非人事也天之數厭亂德而亡者 之未熟思之甚矣夫受天命者莫大於君中國其間哲 30

得以益其感遂有會昌之禍豈非道隆則污物盛則衰 類皆著解深切疾時君奉之太過其所以然者誠欲抑 こうここ 妄以出生入死之說為與善減惡之筌出出之氓從而 詐金仙氏之說其有不與乎由是源於漢流於晉宋齊 如反掌得非天未厭其教乎噫大道而有仁義而尚狙 之抹其寝藏未始不為釋氏福追言弗納而身敗也彼 梁間與吾儒老子之教謁時於中國若夫本空寂破迷 之效敷然會昌廢之未數年而大中復之易如走九疾 吳都文粹

能與此姑蕪走百里有邑常熟邑西偏有佛宇曰實嚴 家四聖御極灼知化源寺觀沿舊而無所創置僧道限 化之如之何不為後世弊蓋崇之者反於其道馬耳文 寺宇以徼福或廣度僧尼以崇教上馬者佞之下馬者 遠罪則如來真意深乎救世者也而時君奉之或多立 即梁天監中所建也倚山面湖秀若屏障當有希辯師 年而入必訊以行能故天下名山勝緊非道存乎人孰 中子曰癣戒修而梁國亡非釋迦之過此言得之我國

多定四犀全書

- ここうら ここう 資質良材經始於景祐之丙子落成於慶歷之乙酉壯 藏銓太平聖惠方凡一百四十三卷以旌高風院名舊 殿歲久無尺椽明道中武凌顧顯邑人李仁壽等捐厚 造七級浮圖淳化中太宗皇帝訪賜急就章逍遥詠秘 錢氏獻土隨詔請見賜紫方袍號曰惠明大師既而厭 者心悟大乘是馬棲處錢氏伯國時以名聞名歸餘杭 曰延福天禧中邑尹胡順之飛章上請改賜今額院佛 居京國歸隱舊利錢氏以師人境俱勝復施金五百兩 具節之降

| 銀定四庫全書 為寺歷陳隋四代迄於吾唐甲辰歲踰三百年會昌末 置之是為大慈寺至孫大同三年改為與福寺自為邑 此寺始自齊始與五年因邑人彬州牧倪德光拾居第 之善以文見托得以直書時慶歷六年正月一日記 而不華麗而不陋鮮里人也偶為兹山之游目擊諸公 實嚴禪院在常熟縣西一十三里舊名延福天禧中 改赐今名 常熟縣與福寺再修功德記 **W** 

與之耳目相接伴書其事有愧斐然特中和四年六月 大中践祚再恢釋教律飾伽藍先是大檀越主具與錢 五日記 像添達殿堂兵赫垂芳傅之不朽以雋僑居是邑廢之 釋教中北僧難車與武宗斥去浮屠法兹寺在毀拆數 雲門干里長殿塔明朝陽半夜風雨至滿山松栢香清 公某呉都顧罕汝南周垣與彼親友兼募信士助修塑 題與福寺 天作と卒 湛

猿彌遠樹好鳥鳴虛廊塵土斯可濯胡為謌滄浪 欽定匹庫全書 清晨入古寺初日照髙林竹徑通幽處禪房花木深山 秋風落葉湍空山古殿殘燈石壁間昔日徑行人去盡 光悅鳥性潭影空人心萬籟此都寂但餘鐘磬音 寒雲夜夜自飛還 與福寺在常熟縣西北九里唐寺記云始於齊始與 僧皎然 常 建

守常者持事之自是禱禳必應福在一方守常死養其 守常者能點誦妙法蓮華經邑民陳氏屋其下為養召 峭拔不可窮極而龍母之塚神龍之地環窟其方邑民 禱禳水早曾不告召而千里畢至明道紀元之初浮屠 頂山之巔直上絕險怪望奇木陰森鬱翠之中有瑞石 年流傳之誤如此既是唐碑站存之即常建題詩處 五年按齊無始與年號但有延與中與二號皆止一 瑞石卷記

一賢於無所用心而欺閣以悖人者之為也丁未春正月 誠之應效益不可輕已神之為靈管陰寂無形不可得 欽定四庫全書 詰而若依人以為報其能不逆民之心以嚴香火之地 岩絕境龍神之窟宅足以為一方之福遇人而與其信 以致誠於陰寂不可詰之間而為民取福善之應盖亦 安拯廢舉墮蓋廣其方以起民之歲時祈禱之誠夫窮 以為戚追今治平丙午縣大夫向侯因民之欲命僧惠 下者不得其人則禳禱不効水早相仍嘉生不遂邑民 卷九 文粹

常熟居海濱地無大山縣依山之陽是為隅山以瀕海 承奉 郎守尚書祠部員外郎充秘閣校理通判秀州軍 事兼管內勸農事騎都尉借絲錢藻撰 北行六七里為小山山之南北相距總三四十里而名 為破山以關龍破山而為澗也又北行九里為頂山又 )隅也又名虞山以告人虞治於此也山北行九里是 瑞石卷在常熟縣頂山 7.... 新凳顶山路記 具能文件 陳

|寺又至頂山即有頂山寺其路隨山山皆沙石人跡不 |航為安向視道路無不勞苦者自縣至破山即有與福 巴不一矣又合而名之或曰鳥目山鳥縣人往還以舟 於照寧八年之孟春成於元豐二年之季夏雖以堅為 卷主懷表始自破山之雙塔整之以抵頂山之寺門 兆 與福者憚其如此累魔以發之然自縣之北門以至與 福之寺門而已因仍遲久未有以動心者今頂山中峯 頻則榛卉為之莽雲雨暴至則泥潦為之堂昔之僧於

欽定匹庫全書

卷.

自任以為責者今懷表非徒能發路而已又能建雙塔 之心感向化之人而必更五年方即成功古之治田沧 之吏時有銳意臨之而後或無成亦又有其意而不得 上有道川上有路而道路不除當賣於任事者雖州縣 以鎮交衝之衝開四石橋以濟往來之阻是能為縣官 三月某日文林郎試書省校書郎守縣尉陳子記 之未為者而以佐縣之不逮吾其可以無書元豐三年 うにここ 游顶破二山净居院 民都之降

多定四库全書 風起層閣初月升髙林中夜魂自健淌室鐘磬音 入門松桂深清氣生人心霞影迷寫綺花光照地金徹 院復與廣順中錢氏有土僕射陳淌憫其隳陋首出 始於梁大同二歲唐會昌廢大中初詔復天下精舍 净居禪院在常熟縣西北八十七里待尊勝禪院也 其地端徑以閥其門聖宋咸平六紀徧募豪族以重 〕財集羣庶同作佛殿其後始獲禪子堯鋤荒以廣 卷:

善君子之常分也在西方之教謂之居士長者乃利益 開闢以來未有太平如此之盛也治化隆侈天下富樂 及物因以為氏故釋如如來號刹利氏謂利益所及一 比屋可封餘力開服人人得以講性命之宗完死生之 所居鄉黨歸之是故博施濟眾君子之所職也率人為 生民之欲者富與貴而已富貴知道德稱為君子君子 刹上耳中國有大聖人作自太祖皇帝至今天皇推原 陸河聖像院記 僧仲殊

一空叟記 一院觀大殿推比首施家財募眾與工嘉祐八年夏續用 本題罪福之要互相勸的思所以因教而進於道夫三 欽定四庫全書 教之用雖越尚各異要之為善其揆一也佛法之或莫 **承父業起家稱為右族父某天資好善當游陸河聖像** 成就熈寧初再造佛像未畢而終君能追誦先志紹聖 如姑蘇白沙又居其上游附海膏腴地力十倍朱君肱 三年二月畢刻石作記以告後來紹聖四年十月雲川 卷九八字

我在乙外始建殿宇始立貌像香炬鐘梵蔚然道場年 年乙未歲刺郡者始以狀聞詔下賜名額用顯德二年 唐大中七年歲癸酉里民沈揆拾莊地管之之乾行二 裡綿渺名存實亡大宋咸平五年壬寅歲超師進道之 外慨然繕葺市木召匠運斤畚土不歴數稔壯麗寶坊 聖像院在常熟縣陸河 應天禪院記 僧曇義

|大中祥符四年辛亥歲重建正殿巍巍大肚此岩山立|

欽定四庫全書 寺之入於草莽者十九獨有善賢一堂像設中時丹青 不能通而學道之士東心端嚴不入諸相一念暫起逐 金碧丹簸燥赫顯敞云 輪兵之飾炳然余問其故僧曰邑人宋必者營築此堂 撫四海於俛仰之中矣予當過松江無礙院兵火凋殘 西方有聖人懸隅山海在中州十萬里之外累數十譯 應天禪院在吳江縣西南一百里 無礙院普賢應夢記 卷九头籽 欠己习更 ~~ 六結為解脫門破十習為無上道諸佛赴感示現神通 涕淚請救援之火宅為清凉山出之苦海為極樂國解 念親屬續之後影響味殊然不知其所之也歸依佛祖 之心日以精進又圖其像於家事之益度通俗成共膽 滞冥漢幽陰之態既寤嘆曰此普賢大士也於是敬信 執如意而翁姐尊其前神情安稳滿散如平生不見留 仰馬余聞惟聖人而後知死生之說鬼神之情狀人子 為公媪追福之地夢一大士戴華冠被珠珞乘白象手 呉都之粹 Ī

累土畫沙童子戲也皆足以成佛况乎建心廣博勤若 起幽作匿捷逾響報無可疑者答曰如是請書其末紹 湖旁連震澤南里魚稻之美商旅舟楫之所趨會居處 金沙巴尼白電 難成哉平江之北六十里有墅馬曰八赤前俯洞庭太 功用以是因緣而作佛事利益一切衆生則佛之道豈 與二十年歲在庚午三月望日晉陵孫覿記 無礙院在呉江縣松江之上 永福院記 李

たこうえ ここ 一實以告具石請記之為書其暴云紹與二十一年八月 所愛及諸結集託用有成三門方丈堂字庖温皆易新 日名承議郎差權通州秀州軍州主管學事李杼記 比丘宗潤即其所處為接待院延好四方雲水之容若 之嚴潔精此具足衆妙為往來者駭心動目之觀序其 見若聞皆争捨施貧者出力富者出財巧者出枝皆捨 聚落殆且百家其民淳而樂業日以遷善農夫合耦以 相助幾於上古之遺風舊有積廬中庾煨爐僅存遺址 民犯と卒

圓 竊疑之僧有誦云我誦光明經自得三昧力舉起便周 勝勒額寺有僧誦金光明經深得三昧日課至百部人 勝功德品蔡笑曰當以殊勝為額已而蔡當輔遂得殊 書華嚴經僧以寺額為請於問書經至何品僧云至殊 草創於崇寧間時还相終京趨朝道由平望因觀寺僧 多好四庫全書 永福院在吳江縣八赤 何用髙聲看一日三百部日輪猶未是見者總生疑 殊勝院記 卷礼 茶 京

我自心堅實 繋其政其體大矣自京口南被於渦間望縣十数而具為 心柄有民人馬有社稷馬風俗善敗本乎身黎元安否 晉謂之大夫秦時天下始置令長宅一同之内操賞罰 在春秋時列國皆有屬邑其主者魯謂之年楚謂之尹 '國家當上元之際中夏多難衣冠南避寓於兹土參 殊勝院在呉江縣平望 吳縣廳壁記 小月一十年 肅

一欽定四庫全書 按部之重邑居當水陸交馳之會派上無下之勤征賦 畿服一等公俯而為之抑選部為官擇人而其履道從 年閣境之人安居樂義而不知安樂之所從來盖平以 為之外寬內明敬事而信政本於仁飾身以文下車三 紹户之一由是人俗外雜號為難治加以州将有握兵 和也夫君子立命論道之通塞不論位之升降具縣下 郵傅之繁倍百他縣夥乎其中不可勝紀大歷十一年 天官擇可以長民者於是范陽盧公由太原府祁縣全 卷九

時十四年二月甲子翰林學士梁肅記 政所由然也予知者敢録其實書於東序以播其令聞 **澮脉分原田基布邱阜之間灌以機械沮洳之濱環以 齒繁夥則具實巨擘馬予當登靈嚴之顏俛而四望** 淮而南濟江以東督府且十附城且百而田畴沃衍生 厥今天下經用之所資百貨之所植東南其外府也度 こうしこ 此記得之類書中若其姓名則不復可考矣 民作と卒 郭 1 受

一銀定匹庫全書 **茭槤則爲鹵磽确變為膏澤之野蘋藻設養墾為稅稻** 僑居間里幾亞京維為政者急之則怨而駭緩之則弛 賈以吳為都會五方畢至粥市雜擾縉紳以吳為樂土 連雲織紅之功苞直之利水浮陸轉無所不至故其民 乎胥口以臨震澤積水無涯两山對峙桑田翳日本奴 之陸故歲一順成則粒米狼戾四方取給充然有餘出 不耕耨而多富足中家壯丁無不賈販以遊者由是商 而肆泛然而多容則請謁紛紜幾至於既法毅然而多 

為文具也予以是知君之為於從政也舉兹以稱則其 **欽定四車全書** 拒則誇詈叢集必因於遊談宰字之任信難矣右通直 於整彫弊而應盤錯也何有馬水灾之明年君且代矣 故為之期年而縣告治元祐六年霪雨敗稼吳民阻餓 調肠之術蓋常急於豪猾緩於善柔整其大綱潤其細 郎許君來領是邑直方不撓有骯骸之風簡易無苛得 乃悉求前為此縣者之名氏爵里將書而刻諸石顧謂 君日慰藉而扮循之眼給務均邱隱求實不事虚名而 具都丈粹

也元祐七年五月初一日縣尉兼河塘溝洫郭受撰 所立石亡而文傳本朝元祐壬申郭受為之詞者令許 具令壁有記尚矣唐大歴已未混肅為之詞者令盧某 世為學家喜博而文異日顯用於時當不獨以循吏稱 其僚郭受曰吾為是仰來者有效馬爾其為我序諸辭 公輔所立石雖存而中更兵燼缺裂無幾後七十有六 不獲命因獎叙吳風而毛舉君政之一二許君温陵人 范成大

向之來而憂後之不得脫余私怪其說甚哉何至於此 方所過縣邑數十百見大夫皆厭若其官<u>獨容太息悔</u> 然具之為壯縣固自昔志之氣俗之始生聚之繁覽觀 之勝著於二碑者自若獨官事搶攘日不暇給必出於 大歷垂四百年而題名三立相望可及吏民以為盛事 建炎以下為之續紀實乾道紀元之三祀歲在丁亥距 年晉陵袁君祖忠政成將歸始治二石更刻之又斷自 甚難而後能善治視告類不同者非特具為然余行四

飲定四車全書 1

具都乏粹

产

今夫急催科則愧政專撫字則愧者兼善之誠難若袁 然義爾小邑負責猶數鉅萬畫夜簿書唯錢穀之知且 心醉却去直者家居待報曰無庸謁吏明府自辨此坐 不能並緣士不敢好以私民有訟自揣不當勝望寺門 君盖幾於無愧者其政先理而後情弛例而舉法故吏 及切磋究之使一二其詳則曰古吏憂民而已令顧不 百適滿矣彼齊咨太息厭苦而欲脱者真有味其言哉 不能報期會有如一日姑舍是而用力於民不崇朝而

鳴呼可謂難也已日莫去此至大官勢益易於為縣具 責課於非時則又從容辨給弗以属民率常最於他己 |堂上再期人信之如一日至於大官之問須求於不有 次定四東公馬 左奉議郎主管台州崇道觀范成大記弁書 必將自袁君始倘余言猶信來者尚勉之八月十五日 所成就何可量按續紀所登無處三十人而未有顯者 具縣在府治之西二里爾宇紹與二年知縣將結建 縣門淳熙十二年知縣趙善宣重建并書額聽之西 具都文粹 主

品之令暴歲限以常調治付中鈴是將赤子奉其吐齧 金りいかと言 國家精求治本重字人之寄近制銅墨之任閥郎以京 **胥臺故封為一都會郡領五邑吳實首之百里之封五** 有平理堂無俸堂堂之西有延射亭天聖七年知縣 成大為續紀一世代氏姓猶可考云 徐的建亭之南北各有小山山有小亭南曰松桂北 曰萬陰皆淳熙五年知縣趙不忿建吳令壁記二范 延射亭記 張 珉

炎色四年在10 記工移符罷去則今南越郡討馮君實代之也君世襲 乎為堋陰以佳木之清畦以雜花之英穿沼以類滄溟 垣以入之由是砥乎其基而歸然為亭雲集被築而发 脫解舍患無清曠之所得奉識息之娯縣之西偏舊有 衣纓練明吏術下車未幾政用住沒乃因聽訟之隙周 **幽園俯於佛舍并吞仍歲君披圖按籍命工糞除叠繚** 歴歳祀梁木將壞乃有前宰棘寺丞徐君繕完之朽墁 僚泊朝列或慎屬以補之先是縣署占勝逼於問闔綿 吳都文幹

藝畢給爱客忘疲每話衛絕稀簿領多暇春花爛而在 築山以擬逢瀛五畝之地百步之徑而嘉政足矣君衆 山陰之辟疆成有名國雅好寫侣吾不知其彼為勝此 鮮為具召貴介公子同僚諸英注弦答以引滿概終管 日督過醉宿未去燭已見跋立歌未晞雖洛中之李倫 日暑風冷然罷扇秋英墜砌冬霰集楹君賞心樂事擊 而千里之能下鼓雕盤為乎住實而洞庭之橋厥苞白 以度曲賽百嬌之居矢争半先之实路中厨出於豐饌

金月に上月

為劣也亭之既成命實以落之盟郡某賢公嘉乃好事 亭以敷揚之也下幕不佞當從事於文墨詩書締結之 隨其景趣怨為雅名揭於華榜觀者如意此用略諸若 始謹用春秋之法異時宰是邑者集簪纓於斯豢犬贏 君愷悌之政殊尤之績采風謡者入境可知固不在因 事武芸臺秘書郎武寧張珉伯鎮記 於斯惟其圖之天聖七年春三月二十有六日呉郡從 題延射亭 具部之於 楊 亨 備

||飯定匹庫全書 闔間墳域信都名 高臺無沒曲池平十萬人家古縣城烟水雲山屏畫裡 民不忍欺謂得致理之要也殊不知行是道者不獨緊 天下稱客邑之賢者率以灾不齊為稱首以彈琴化民 成所作自監郡而下皆集而射之極一時賓女之勝 觀張珉所記足以想見當時州縣仕者之寬舒云 延射亭在縣治中天聖中縣令廣州觀察使司梁允 長洲縣記 王禹偁

歳饑則賑之農有力而不奪役非時而不行闢之以庠 賦得均其輕重刑罰教令得濟其宽猛凶荒水旱得專 在魯則單父豈曰亂邦有聖人為師則子賤宜乎行道 アスラミ シャラ 身辨田之腴濟定賦之上下強暴者刑之以法孝弟者 其脈邱農時民力得聽其休息然則無私於心克儉於 居百里之位得諸侯之權社稷民人自我而己井田車 於人亦將緊於時矣當時王室雖微王綱未絕有周禮 **旌之以禮愈其教以誘人峻其令以約吏時豐則飲之** 具都文幹 Ť

金分四月全書 於郡猶身之有臂也郡之於縣猶臂之有指也國取於 併天下畫三十六郡則小國皆為縣而隸於郡矣國之 傳曰漢南諸姬楚實盡之又曰楚縣陳蓋縣之始也秦 霸圖孔熾大小相併強弱相攻區區子男宗廟不保故 事思神行齊予以睦鄉黨自然懷土不散熙熙如春弗 序論之以禮樂使父子親兄弟友夫婦和然後祭祀以 郡郡取於縣縣取於民是以臂指撫民而自養也由是 知其然而然也在上者不鳴琴而何俟哉泊王道云亡

及 定四車全書 走不暇况行道乎雖欲不順其時不程其力亦猶建一 勞賦歸去者為是也向使子賤復生亦將捨琴折腰奔 錢氏享國幾一百稔專建屬吏莫得而知皇上嗣位 賦負觀中分吳縣以建之垂二百年宰名氏縣誌關馬 指而扶天柱不其難哉時使之然也長洲之名見呉都 身就其辱還使宰邑者茍撮食免笞罵而已昔人嘆徒 則懲之以殿最大則攝之以刑法宣惟道不能行亦將 具都文称

田有暴賦丁有常庸春役而夏不休朝令而夕必具小

踵或一歲不稔則鞭楚盛庭不能輯事矣至有市男女 錐魚飯稻衣葛服卉人無意隅户無儲蓄好祀非鬼好 聖人求理於上庶官陳力於下斯民之泰其有漸乎禹 而塞責者甚可哀也蓋隅中夏之政浸小國之風使今 淫内典學校之風久廢詩書之教未行魚併者偕而驕 貧窶者欺而墮田賦且重民力甚虚祖調失期流亡繼 王禹何次之其土污豬其俗輕污地無柔桑野無宿麥 一載溪南王歸於我國家始該官以理馬袁仁鏡首之 飲定四車全書 四 待賢者以舉之所謂言而不能行者也時大宋雍熙三 年正月九日守大理評事知縣事王禹備記 賦調中考因鳩飲民瘼平議政體總而刊之存諸廳事 任之明年大有年也先是司漕運者轉民歲租更送他 屬郡輸之從便宜也亦小康之有前矣是歲獄訟縻繁 **傾非循良之才蒞凋瘵之邑仍以舊貫民安仰哉會到** 郡告舟楫之後糜堰埭之赀者久矣至是始聽民以本 此記兵火不存紹與十年知縣石理重刻石具麒隸 吳都文粹 Ť

岸為谷無足深怪訂之於古莫可得實視棟楹之顛把 意也考之圖經即江為池距縣南七十里多歷年所高 苑堂前人取左太冲語帶朝夕之宿池佩長洲之茂苑 成事簡盖牛刀割雞游及裕如者邑解之東有所謂茂 乃鳩工而虽新之堂之南崇植以嘉木脩竹竒芳蕙艸 長洲令尹石珵些中才髙氣剛嗜古好雅下車既久政 書 茂苑堂記 米女仁

鬱葱吐秀而森然數陰如在邱壑邃深處與堂相直曰 愛顏不懿數紹與已未李夏二十日襄陽米友仁元暉 筠庵皆增廣而揭以是名琴書雅玩陳列於中客至則 丈室北向聚羣石如岩谷曰緑野軒又南開竹逕曰緑 少倦後之君子游息乎其上要當勿復剪伐如甘棠之 閱古賞奇試名烹飲必與之從容竟日怡然自適曾不 百花亭即堂之西為遭屋曰尊美堂其北龜首曰維摩 ~ -

윏定四庫全書 碧蘆枝亞霜紅蒙穗踈此行紆墨綬不是為鱸魚 坐看孤峭却势神還是微岭到日照松鶴認名呼得下 移任長洲縣舟中與有餘篷萬猶見月棹稳不妨書雨 移任長洲縣狐帆胃雨行全家隨逆旅一夜泊江城身 便此逍遥應不易朱衣紅旆未容君 沙鷗飛處聽猶聞夜聞亦似深山月雨後惟闋滿屋雲 題茂苑堂 移任長洲縣五首 王禹偁

廟連荒塚江禽似畫圖萬堂從別後應夢宿孤浦 1 ... 客藏魚市雲跳漏雁行故園漸追遞烟浪白茫茫 移任長洲縣沿流漸入具見碑時下岸逢店自微酯野 月霜華重晴山栗葉飛江頭鷗鳥在應怪不忘機 移任長洲縣辭親淚落衣折腰雖未晚極首欲何歸曉 移任長洲縣窮秋入水鄉江涵干項月船載一篷霜竹 世漂淪極功名早晚成惟當泥奪酒得喪任浮生 春日公舍偶題

妻兒莫笑龍中塵只患功名不患貧自覺有文行古道 七十浮生已半生徒勞何日見功名折腰米賤堪羞死 一海官苦流離北年心力衰衛花愁不覺風雨病先知晓 舒定四庫全書 年來更待賢良詔咫尺松江未濯纓 **負郭田荒好力耕庭鶴慣侵派坐影隣雞應信夜吟聲** 可能無位泰生民烟村舊葉勞歸夢雪屋孤燈照病身 月晃竹屋寒苔叠槿籬無人慰幽寂庭柳自低垂 長洲遺與 要

花光带露柳凝烟茂苑笙歌已沸天有客尋春持 管弦歌動酒家樓 書樓紅粉洞中仙 投老緑袍未休去九重天子用平人 太湖東面即長洲臨水狐城遠若浮雨過雲收山潑黛 17:17:1 來為名邑本朝王禹何常為之字哦詠最多邑望益 長洲縣在府治之北三里長洲縣分自吳縣自唐以 長洲 民部と幸 楊 Ë, 備

| 欽定匹庫全書 客相年縣治之園時屬初夏紅紫事休宿雨收露新緑 鬱勃林采與發養禁左右屏列餘花錯落如級珩珮有 中國吕君宰長洲之明年行受代矣一日公退吏散約 也余居此心日久矣率夜漏未盡起視事漏下五六刻 風徐至芬香襲人乃命酒坐蟠翠亭上君指柱間仲公 彌性之詩有云樛枝密葉翠虬蟠者曰名以是為花故 髙縣有茂苑歲寒二堂掬月幡翠二亭 **赌翠亭記** \*\*\* 龔順正

性分也士而志於用小而小大而大其得而遂耶達者 玩之封植矯揉握助其長而人方以為異而喜要非其 杯相屬容盡盡歡於是楚人龔頤正使折花侑坐起以 新蠹而墁之示不欲以将去而怠其事馬方此住時 酒屬君曰夫草木之生其性也遂深山大生清曠廣漠 猶不得息裝懷倥偬於簿書期會問領晷於此蓋不一 春數秋隕付崇瘁乎自然亦復何有不幸而名人從而 二數也適少問拾餘材為支其將傾靠其甚弊朽腐則 三年二年

欽定四庫全書 花為一笑君引飲醸遂書以記之時淳熙戊戌四月上 旋州邑老益更事且有用於時顧欲遂其私且不可得 上長松勇無敵等語概可想見者賢者後號有家法周 蜀山林中此花如積築城縣公詩半垂野水弱不墜直 若余者其將遂余生乎異時尚記前後二公之詩見此 視之猿尊孰先於楓柳蓬文孰後於蘭淮耶抑分聞叩 **蜡琴亭在縣治仲弁建日存中重修** 

大王日日 !!! 憂深思遠反覆陳之為應壁記則欲激其風俗遲之教 者形之於詩見之家集至其論権酒懼遺斯民之害則 號為繁富魚酒甚美親年方踰耳順子孫滿前多自樂 學士王公諸禹偁字元之濟州鉅野人實來為令滿秩 化抑無并而哀流亡所謂鳩飲民瘼評議政體以待後 長洲為縣肇唐萬歲通天中至於我朝雅熙元年翰林 召為左正言直史館公自叙其時侍親而行姑蘇名那 企賢堂記 具都之科 黄

垂二百年今令曾君德寬來亦將終更顧縣治之東堂 其推尊自是公之言誼風烈在人耳目表表愈偉後公 企賢併刻三公之詩賛於石髙山景行用志則深異時 之嘆讀之慨想因求公像於虎邱寺繪之堂上而扁曰 壁間有公之子嘉言所序題名記繼往來之詳與踵武 廬陵歐陽公眉山蘇公豫章黄公皆當退述為詩贊極 發也惟公首倡斯文濟之忠直全名大節見諸國史如 ,則其言皆凜然是知公凡所以為訓者其言皆不苟 たこりるいたう 余 同年友高君炳儒主吳江縣簿之二年既請於府縣 以新治舍又即其西作堂三槛為退食之所規制稳密 龔願正書 永陽黃岡之祠冠佩陸離以儀以瞻並始相望足以使 有識散聳起敬慕矣淳然九年十月一日邑人黄由記 虎邱繪之堂上其詳見於郡人黃由之政 企賢堂在縣治淳熙九年知縣自與求王元之像於 暂程堂記 具都之降 李處全 7

尚友背人炳儒得之矣炳儒行終更去一紙書入光範 中原二公有助馬其去此雖遠而流風遺跡猶或可致 門諸公當争挽致之由西垣入北原丹青帝謨鼓舞羣 館閣之為中與第一流先後典內外制渡江文物追配 京師已嶄嶄有人望自公既登華近而程公亦賜第提 舍人新安程公俱當為此官示尊賢也且屬余記之余 金分四月全書 幼侍先君發拜二公席益知其文章議論軒輊一 不痺不隆榜之曰曾程以禮部尚書賴州自公楙中書 一時在

德樂道之風可少廢耶後之君子將有取於斯文乾道 聽則於二公何羨雖然孔子之賢賢孟子之論世其尊 12301 こう 古之君子固有樂乎此矣松江太湖水國之勝當天下 州縣之任古謂之官遊豈直以斗升易農而己哉名山 三年四月朔日替皇李處全記 '川雄尊奇秀之境從事其間足以窺覽觀而昌神明 **曾程堂在吳江縣治主簿廳縣之西** 新修主簿聽記 具都支粹 范成大 四 十 一

第一四方好事者想像其處欲至而無由今行臨東南 多定匹库全書 築室華間下隣三馬以朝夕於斯吾樂可勝計耶乾道 士大夫假道以奏名場與夫商買百族擢船而逐利者 夜沟沟有聲其勢豈能少留而一寓目是雖日過乎前 馳之後宜能數遊而躬明作苦正爾少服日私念誠得 而與未始至者奚辨余家具門茶蒼在望又無聲利火 **丙戌八月既望間從容汎分垂虹主縣簿高君炳儒適** 風相摩此其人皆有所期會置呼争先亂次以濟終 卷几一

光景滿然所謂垂虹者乃在其豪數十百步耳夫出有 者須無一可恨而為之讀書之齊休坐之堂修竹繞園 ここうここに 無惟科敬朴之煩奔走將迎之勞而有可樂者如此於 是求文以為識余間漢高士不為主簿孫子嚴徒合而 余素願朝夕於斯而不可得者炳儒之職會計當而已 而開閉高照牖户制深暴續覺過尚中度程既聚廬之 江湖之趣居有清熊之適此固古之君子宦遊之樂而 吳邦之字 7

新作治所落其成余與觀馬蓋自始役至是七十七日

一 多 定 匹 库 全 書 常熟為縣其來久矣待為毗陵郡南沙縣至梁改為常 賢者使共之明年二月一日順陽范成大記弁書 有喜色士未遭隨所遇而安其可愧者不在我也炳儒 **隣有如馬其志固未易量姑為序其所可樂以告後之** 有文學行該而不甲其官又作意而新之視祭竈請比 虎建 左廸功郎平江府吳江縣主簿主管學事四明馬文 常熟縣題名記 曾 慎

者補之庶為不朽之傅宜觀名列以勸方來俱尹斯己 儀羽堂閣正位樞極蓋翩翮馬未見其止余因豕乏慮 劉極求得其姓名凡四十有二人列之板榜置於廳壁 籍歸於京師始於縣令將文懌至元豐初知縣宣德郎 熟自梁歷唐由唐迄於偽吳幾數百年前尹是邑者姓 角自此來尹者至則書之觀其間相繼登金門上王堂 名莫或紀録故不得而考本朝太平與國中錢氏以圖 板榜不足以久傳於是命工鐫之於石立於廳之左關

欽定四庫全書 治平二年河内何候作新倉成嘗語予其始終曰吾至 者知夫儒之效愷悌及民延福百里庶幾乎刊石而無 **廹窄纔容四分之一濱江之民遠者百里水浮陸走捆** 其民版之數至四萬户歲輸之栗至八萬石有倉污庫 之初見太守永州陳侯席不暖陳侯曰常熟大縣也考 愧也紹與二十一年九月魯國曾慎記 常熟縣在府北一百五里 常熟縣新建順民倉記 淑

敢後其所先務耶别其弊又如此之甚宜陳便有以告 吾也及吾視事之日見吏民問其所疾者尤為不便者 為東南之劇歲入之栗他郡莫加厚馬吾邑雖不腆其 來也久矣君亟圖之吾退而自惟倉廩蓋今天下郡縣 此一不便職是歲常散蓄於浮屠之居廊應皆滿蓋藏 弗謹塗堅弗完得毋有以誨盗哉此二不便蓋遅君之 之先務京師兵儲禄廩之出入一皆仰給於東南兹又

載而至倉或既盈則累數夕而不得輸於州又病其遠

多甚榜曰順民盡得之矣若夫世之從政者利害較然 |欽定四庫全書 害便民皆其所素蓄沛然而有餘矣以沛然有餘之才 家請期日合衆材以成之既而至期倉遂已成予謂二 **侯 時能以才 名於世所至莫不著見風迹至於與利去** 之之意民既病此久矣莫不奔走以聽命咸願治材於 相與協謀治其因民所欲之役其成也宜其不勞而功 **方比得隙地數十畝以營築馬始召民而論其所以作 凡幾然而獻計者又皆不出吾陳倭之議也於是訪縣** 

居前畏謗忌讒認認然不肯一日出其力則有該回受 設定四車全書 · 地生斯亦出於民而已且始視利害之如何豈可為而 民斯不遠哉夫愛民真如古又古之人有為豈天作而 月十一日將仕郎前守沂州臨沂縣令祁淑記 不為乃曰愛民哉此大不然告者子産當以其乘與濟 以余言為然因刻之於石俱來者考馬時熙寧元年三 人於溱洧孟子謂之惠而不知為政凡以此也向候亦 具都文幹 楊 四十四 備

市之治穰盖不待較而知者環府之邑五而常熟居其 會五方之聚土腴沃壤占籍者聚雖前代與全盛時猶 信京之陳鄭也衣冠之所鱗集甲兵之所雲萃一都之 遠逼江根傍海擂落帆多是两來船縣庭無訟鄉間富 歳歳家收常熟田 不可同年語府邑之事宜其倍稱况乎府庫之出內獄 上方駐蹕臨安於時具門視周畿內漢三輔唐同華我 順民倉記 朠

則實居今日之要害風播連林夜嚴震海資糧巨萬以 瀕海道直故疆沂密菜全齊在望刺利規恢舟師所宿 之事其倍稱何如哉令其邑從事於民者如是而邑復 今折帛為緍者十萬二千三百而解州損其傷二千邑 望馬時主客以户計者八千九百七十有二而今五萬 日饋給營繕百項以時調度尚有不至責且之與治民 合萬二千六百而奇弗詳秋租穀栗七萬六千餘斛乃 一千一百三十八夏賦金錢為緣二十八百其幣帛疋

上文之四草公吉

具称文粹

立

特能禍其身千室之邑亦必有受其弊者矣而甚其敢 六百石其顏一已之利害去就而不思其責之塞將不 噫今秋比京寺月奉逾二萬廩逾四斛歲入圭田直過 令者至城人名氏授受月而日之銘石壁端以告來者 **暎不佞爱來亦既年所事定得問始閱次中與以來為** 兵之事又如是重以府所倚集月四大萬版籍輸要風 背相望也則壁記之不列何以自警朝夕庸少情乎陳 雨寒暑不渝此為令者才或不濟看罪投劾而去者項

しょうしん ノ・トラ 望則有巫咸所止之山太伯所葬之墟言偃所居之里 龔景才所表之間其風俗之美循或可樂見而邑之升 **隨哉今吾邑之人或知某不敢隨也率以淳厚簡字交** 置儿附於府者有職方氏在故不記記其令皆之同異 相為治倘如是惕日庶乎列名下方其無辱若大邑之 淳熙元年邑令陳暎重記 順民倉常熟縣倉也建於治平二年記於熙寧元年 具都丈幹 四六

書褒徒以來尚花頭紫微問能即學立夫子廟北門王 金片四厚全書 公元之記故此地翕然趨於文至今好學而知禮尚孝 **崑山秦膠邑也天下壯哉縣五季雲擾四方秦於兵吳** 而先信乃有昔之流風馬疆岸海江夷曠沃行者數百 始嚴令守淮海王以版圖歸時邊公做治具最首賜璽 越雖保有所履然詩書仁義之事缺馬國家文經海內 山魏然怪石錯立井井蘭問問又有室屋林壑之 **崑山縣補註題名記** 卷九 禁子強

欠己の事心ち ! 非古所病耶曷其趨遠異見如此漢之郎官上應列宿 王風而居之官游問多勝事益號住邑屬歲縣詩盛來 語侍從之班踵相躡也而其意依然於是二百年間風 歆艶者至合省寺赋祖帳之詩由此以相以輔小却言 須入者聞其名相與駁汗若蹈甚畏宣先後難易若是 流縕籍續可紀又建炎間敵獨不侵薦紳此來樂其 不同耶亦才術限量之或異耶不然則今之所謂不足 具都文粹 ヤナ

勝士大夫自京都來官者樂之觀游詠歌永覺身遠其

優将庶幾勉之淳熙丙申六月縉雲樂子強記弁書 榮顧力所底爾因仍規畏其可哉子強至之踰年勞於 為臺郎今天子重字民之官褒庸旌善使觀瞻者以為 金以此人名言 雍熙以次五十有六人序而鐫之石尚俾來者知前輩 人以矩範馬然所傳止自崇觀問益稽史牒褐識得自 耳目思慮之外乃喟然而歎信學力之未至則諏諸前 出宰百里晉之舍人洗馬妙天下選然不更長吏不得 崑山縣在府東北七十里

欽定四車全書 **崑山縣治東至練祁七十里自練祁至江灣又七十里** 鄉五十二都東西相距幾二百餘里縣治以遷就馬鞍 頑猴難治亦無如崑山詳及其故盖崑山為邑一十四 **裴奏照對平江府管下五縣其境土廣袤無如崑山而** 提舉两浙西路常平茶鹽公事魚權提點刑獄公事王 山風水僻在西北故西七鄉與官司相接稍稍循理自 朝請大夫集英殿修撰知平江軍府事趙彦橚奉議郎 嘉定十年置補註首劄 具都文幹 罕八

微訟淹延之害演江旁海地勢僻絕無忌憚之民相率 莫可誰何其害有三争競勵殿燒却殺傷罪涉刑名事 合亦敢結集千百挾持器杖以相抗拒習成頑梗之俗 足倚仗故東北鄉之民憑恃去縣隔絕敢與官司為敵 通計一百四十里其間止有商量灣楊林两寨又皆不 而為冠公肆剽掠退即窩藏殆成淵藪此劫盗出沒之 干人命合行追會不伏赴官至有經年而不可次者此 不奉命令不受追呼殿擊旅差毀棄文引甚而处尉會

次定四車全事 四 还两到練祁相視利害據各官所申亦以為合置一縣 祁市添置一縣本府已當委長洲縣娄主簿吳縣邱縣 昨於嘉定七年准尚書省行下備白劉子陳乞欲於練 之邑其來非一日矣蓋縣方百里而兹邑廣家倍馬以 其他類是此賦後扞格之害有此三害崽山遂為難治 稅官物積年不納只秋苗一色言之歲常欠四萬餘石 害豪民慢令役次難差間有二十餘年無保正之都雨 一今臨之制馭必有所不能及養成頑惡亦地勢使然 具都支幹 四十九

並欲照紹與府新昌縣處州慶元縣創置一般體例察 鄉二十四都仍屬之崑山縣所有其他張官置吏事件 練祁要會之地置立縣治以嘉定為名所有東鄉惠安 鄉之春申臨江平樂醋塘凡五鄉二十八都為一縣就 新安湖州及西鄉朱塘積善全呉押川武元永安儿九 縣之為利便今斟酌事宜欲割崑山西鄉之安亭你東 根深帶固决非邑尉之甲所能聳動察其理勢莫若置 但恐有起蓋解字等費且先添置一尉然東上鄉之頑 金グリルとうて

選辟清疆有心力之人充知縣一次 庶使近畿之邑無不率化之民冠盗可拜賦役可均於 惜哉吳王墓泰帝嘗開破應笑埋金玉千年賈為禍不 仍令浙西提刑司平江府條具合施行事宜申仍公共 公於私皆有利益實郡縣幸甚十二月九日奉聖古依 嘉定縣在府東北一百四十里 闔閭墓 王禹偁

酌續次申請施行如家朝廷擬照事宜特從今來所行

欽定四庫全書 待虎跡消已聞鮑車過又是聽山頭炎炎三月火 諸之劍魚腸之干在馬獎之三日金精上楊為白虎 萬人共治千里使象捷土鑿池四周水深丈餘銅槨 吳王闔問墓在虎邱山劍池下吳越春秋云闔問葬 據坟故曰虎邱越絕書云闔閭塚在閭門外虎邱下 於國西北虎邱穿土為山積壤為邱發五都之士十 池廣六十步水深一丈五尺銅棺三重澒池六尺玉 三重傾水銀為池池廣六十歩黃金珠玉為凫雁扁 塞扎文料 -----由王環金监到城市土花不蝕餘千秋州家蔗問亟封 馬特有牧童來放牛居然珍寶出光怪識者夜見踪其 闔間城南荒山之邱告誰葬者孫豫州久無過客為下 **凫之流扁諸之劍三千方圓之口三千盤郢魚腸之** 懸今兩存之 劍在馬發卒十餘萬人築治之葬之三日白虎居其 上二說界有同異顧墳邱中事又古今遼絕無所考 題吳孫王墓 えが こ卒 楊友變 F

**銀定匹庫全書** 求髙陵勸爾一盃酒自古南山能錮不 在暴露毋乃為神羞人生浮脆無可料螻蟻鳥禽從所 憂當時義師係四海少日已無袁與劉英雄異世凛如 守贼曹掩船窮好偷已知其中有可欲亦恐未免無窮 呉都文粹卷九 卷九京中